



# DEO OPTIMO MAX. UNI ET TRINO.

VIRGINI DEIPARÆ, ET S. LUCÆ

Orthodoxorum Medicorum Patrono.

## QUÆSTIO MEDICA,

CARDINALITIIS DISPUTATIONIBUS

*mandè discutienda, in Scholis Medicorum, die Jovis septimà  
Martii, anni M. DCC. XXXVII.*

M. CLAUDIO-ANTONIO RENARD,  
Doctore Medico, Præsìde.

*Suntne aptiores ad restaurandum seniorum animalium carnes?*

I.



ORBI, inedia intensique labores vires insigniter resolvunt. Has revocare & corpus consuetæ alacritati reddere, restaurare dicitur. Id alimenta præstant quæ collapsas non minùs vires valent refocillare, quam conservare & sustentare præsentis. Alia verò, restaurandi virtute, aliis præpollent. Plura inter, quæ sanis integrisque corporibus æquè proficua videntur, quardam fractis imbecillisque opem ferunt magis præsentaneam: possunt alia inferre noxam. Hinc magni refert, in seligendis alimentis, eos non errare, qui virium redintegrationi intendunt. Languente corpore, functiones perpeßa læsionis adhuc aliquid retinent. Fibræ ad nativum statum tardiùs redeunt, munusque suum ventriculus, aliquantò tempore, segniter exercet. Hinc quæ per sa-

nitatem non agrè, tunc difficilè alimenta quædam concoquantur. Quanto potiori jure idem censendum est de alimentis quæ stomachus integer, non nisi operosè, conficere potest? Ea profectò non sunt ad restaurandum aptiora, multoque minùs, quæ succum prave indolis suppeditant.

## I I.

**R**ESTAURATIO plenior est & promptior nutritio. Ergo ad restaurandum opus est, cum ut major succi nutritii copia comparatur, tum ut ille dotibus ad nutriendum requisitis præpolleat. Succus autem nutritius, etsi ultimæ coctionis opus meritò haberi potest, omnino tamen à primâ coctione pendet. Ut ejus quantitatem chyli quantitas, ita ejus indolem chyli natura regit. Ex facili alimentorum in ventriculo coctione, æstimare licet facilem illorum cæteris in partibus præparationem, proindeque eorumdem ad reficiendum aptitudinem. Quò faciliùs à ventriculo teruntur, eò minùs aliarum partium ictibus resiliunt; minori negotio adipiscuntur illum tenuitatis gradum qui requiritur, ut ad omnes partes pertingant. At si difficulter in ventriculo subiguntur alimenta, nunquam satis aliis in partibus tenuabuntur. Hinc quod in alimentis vitium emendare non potuit vis ventriculi, illud in succis, aliarum partium potentiâ, emendandum esse frustra speratur. Apud omnes Medicos notum illud est receptumque. Quippe id ipsum demonstrant quotidie morbi, qui, ex imperfectâ ciborum in ventriculo coctione, plurimi consequuntur. Quæ igitur difficilis sunt coctionis alimenta, succum nutriendo malè aptum gignunt; nisi cum, præ valido robore, difficultatem ventriculus superare potest. Eorum verò qui restaurandi sunt ventriculus enervatus est & languens. Aliunde ex negotiosâ ciborum coctione, parum chyli conficitur; & consequenter succi nutritii parum. Ad hæc, dum multus in concoquendis alimentis labor est, magna sit humorum dissolventium ex glandulis expressio, atque, in contractione fibrarum, magnam succi ex nervis copiam ventriculus impendit. Ut enim, ob intensiores artuum motus, vel nimias mentis contentiones, obtunditur actio ventriculi: ita, insumptis in digestionem succis, totum corpus defraudari contingit tantumdemque debilitari.

## I I I.

**S**ENIORUM animalium carnes, non sine labore gravi, posse in ventriculo concoqui, demonstrat nota omnibus eorum durities. Nempe fibris constant quas longa ætas, consumpto ferè humido primigenio, ita siccavit densavitque, ut discerpi dissolvique facili non possint. Nemo non expertus est quam agrè mandantur & commolantur hujuscemodi carnes. Validiorem ergo, ex parte ventriculi, actionem postulant, ut possint in chylum resolvi. Id evincit temporis spatium, per quod immorantur in ventriculo, antequam subactæ sint. Qui enim his vescuntur, alimenta rariùs assumunt quam cæteri. Indè concludendum non est plenius ab iis suffici nutrimentum; sed à ventriculo majorem validioremque operam in iis elaborandis locari, tardiùsque illas concoqui coctasque

expelli. Hinc repletus ventriculus cibos de novo non appetit. Harum porro carniū firmitas efficit, ut parçè chylum suppeditent. Pauçæ enim partes eam possunt adipisci subtilitatem, quâ mediante lacteorum orificia subeant. Qui tamen exinde chylus elicitor, iusto crassior remanet; lentè per vasa lactea procedit: sanguinis fluento commistus, & objectus consuetis valorum içtibus, arteritor quidem, sed non ita, ut possit unquam singulis partibus laudabili nutrimento esse.

#### I V.

**N**EC qui ex seniorum animalium carnibus, etiam bene concoctis, succus elicitur, suâ indole aptus est ad nutritionem. Ultima stamina membranulave, ex quibus vasa minima constant, summæ tenuitatis esse anatomia docet. Delicatis hujuscemodi fibris infensum esse patet quidquid salsum est, aut quocumque modo acre. Hinc planum sit requiri in succo nutriente insulsam dulcedinem. Tum necesse est ut totus sit concreescere aptus, & cum nutriendis partibus conglutinari idoneus. Succus verò qui seniorum animalium carnibus inest; his doribus instructus esse nequit. Iteratis per vasa circuitibus, animalium humores per diversos tritæ, caloris coctionisque gradus transeunt, quibus, temporis successu, iusta principiorum temperatio subvertitur: dum nempe deturuntur oleosæ partes & rancescunt, dum salia extricantur & acuantur, dum partes aquosæ diffillantur relictæque terrestres invicem compinguntur. Hinc seniorum animalium carnes succum præbent salsum, austerum, acrem, ipso gustu judice. Hinc sanguine quidem abundant, quod probat illarum color: lympham verò paucam continent. Hinc illarum succus difficilius congelascit, dum qui exprimitur ex junioribus carnibus, quæ lymphâ diffluunt, in gelatinam coit promptissimè. Certè hujus indolis succus abundantiori sero inadentes fibras exsiccare valet, aut incontentas astringere. At minimè convenit ubi labor, inedia, aut morbus enervati corporis fibras resiccavit, & excalefactis humoribus salitudinem intulit aco remque. Ineptus est pariter, cum impressam fibræ contractionem servant (quod non rarò post violentos motus evenit) cum expressæ tenuiores humorum particulæ, ob insolitos motus, evanuerint. Non enim sat blandus est succus ille, non satis aquosus, ut corrugatas fibras molliat & relaxet, densatoque sanguini det liberius fluere. Ut sanguinea incolat vasa gravitate suâ cogitur. Cruoris molem solummodo adaugere potis est, pondereque novo, debilitatas jam, nutrimenti defectu, partes incassum gravare.

#### V.

**V**ERUM quidem est actionem ventriculi, præviâ ciborum coctione, non mediocriter adjuvari. At non ideo ad restaurandum opportunior viçtus ex seniorum animalium carnibus. Iuta ex illis assis expressa, jusculave ex iisdem ad putrilaginem elixis parata, licet stomachum minus gravent, gravant tamen. Naturæ opera, industriâ artis, quantacumque sit, nunquam perfectè supplentur. Sed esto, coctionem ciborum in ventriculo faciendam aliqua præparatio quadantenus supplere possit: sic præparatæ seniorum animalium carnes non ob-

sequiosiores erunt instrumentis aliis, quorum actionem prius alimenta debent experiri, quam in nostri substantiam abeant. Numquid præterea succi, quem continent, natura mutabitur? Emendabiturne falsa acrisque temperies, aut blanda & innocua indoles conciliabitur? Quod seniorum animalium carnes aliis cibis potentiùs corroborent, non inde arguitur eas esse ad restaurandum aptiores. Id debetur illorum virtuti exsiccandi. Fibras stimulant & astringunt, *elaterem* citò restitunt, sed non verum, non perennem. Haud aliter vinum cæterique liquores fœti spiritibus temporarium robur afferunt, mentiunturque restaurationem. Vires videntur refocillasse, quas, corrugatis rigidatisque fibris, non levi corporis detrimento, solummodo suscitaverunt. Dum sanitas viger, ad victum præcipuè seliguntur farinacea, olera, lac, &, quæ proximum ab iis locum tenent, juniorum animalium carnes albæ & teneræ, quæ, quò teneriores sunt junioresque, eò faciliùs digeruntur, blandiorem & fluidiorem chylum sufficiunt, humoresque minùs accendunt. Quis igitur non sentit quantà sedulitate abstinendum sit à seniorum animalium carnibus, cum fractæ sunt vires, cum languet ventriculi actio, cum, distato quidquid liquidius erat, humores inspissati sunt, vel ex violentioribus turbis contraxerunt acrimoniam?

*Ergo non sunt ad restaurandum aptiores seniorum animalium carnes.*

Proponēbat Parisiis, MICHAEL PHILIPPUS BOUVART;  
Carnutæus, Baccal. Medic. A.R.S.H. 1737. à sextâ ad meridiem,